

嘉筆禾微獻錄

嘉禾徵獻錄卷八

刑部

郡人盛楓丹山輯

男支焯校訂

戈

瑄

曾祖惟善祖立父利子鐸族孫霽

用泰

高祖攷子金湯

用忠

祖止父靖邦

定遠

鄭

曉

祖延父儒泰子履準

履淳

心材

子端膚

孫

璽

曾祖固祖忠兄璧

植

子成名成憲玄孫鍾琦

成泰

諸孫曾稱

校

戈瑄字良玉號脩溪本嘉興人六世祖其卿舉賢良

洪武十年授嘉禾通運使曾祖惟善永樂中坐役事

遷景州祖立父利

石瑄作墓志父諱寧

不仕瑄年十五入州學

即有文名成化辛卯舉於鄉乙未登進士初知嵩縣
邑多逋賦又盜礦者不時草竊為奸前令以法繩之
不止瑄至寬徭役緩追呼視歲之豐歉為補征之多
寡數年逋盡償又日巡近礦諸村落曉以禍福課其
耕稼礦患亦息擢廣東一作江西道御史督通州倉場丁
外難服闋除原官尋按南畿弘治初復丁繼母憂癸
丑出為四川副使備兵重慶保順地方蜀故多盜出

沒深山不可蹤蹟先為明約束懸購募復親至偏鄉僻邑召父老諄諄勸戒盜始衰息又上言利州施州等處為湖陝出入之地事權出於一庶有專責從之令易救行事陞山東按察使歷城人有兄弟異居者弟盲置酒肆酤酒頗獲利兄嫂屢嫉之弟忿恚自縊其婦奔告兄嫂兄嫂誣其與酒傭奸謀殺其弟并酒傭縛之及解弟縊死未殊提以麪軸始絕遂鳴之官婦及傭不勝鍛鍊已誣服瑄至鞫之云其夜有二軍士主其家知狀趣召二軍研訊得其情坐兄嫂而釋

婦與傭人以為神陞山東右布政使改浙江轉江西
左布政正德初進南右副都御史改北時鄞縣屠瀟
掌院事瑄有所執論瀟輒稱善奉敕查牧馬草場辨
疆界嚴科條不為權勢所奪劉瑾專恣追論浙江布
政時事前後罰米七百五十石再陳乞休不許改南
大理卿進南刑部右侍郎旋轉左救勘岷藩事賜羊
酒寶鈔壬申陞南右都御史掌院事甲戌進南刑部
尚書乞骸骨不允己卯復乞休許馳驛歸詔有司月
給米三石歲撥人夫三名給使卒年七十五子鐸任

未仕族孫需嘉靖壬午順天舉人膠州知州

用泰字永恬高祖牧瑄從兄也成化戊戌進士授戶部主事督漕山東遷本部郎中出督大同軍餉被累謫知鄜州終廉州知府用泰萬厯癸酉舉人己丑進士知涑水縣水旱頻仍用泰悉心撫字入為南刑部江西司主事厯廣東司郎中乞終養歸不出著適適軒集子金湯字帶如亦能詩戈氏自其鄉北徙其在南者又有從弟用忠族人定遠

用忠字蓋臣祖止官宜興訓導松江府教授父靖

邦鄉貢用忠崇禎中以貢知隰州

定遠字尚武永樂丙戌以貢入國學選河南道御史出為交趾副使引年歸

鄭曉字室甫海鹽人遠祖元璠與弟元琰皆以知兵為元總兵別駕率鄉兵拒方國珍張士誠有保障功太祖下蘇州不即降幾被戮曉祖延字世昌以太學生為廣東市舶提舉與陳獻章善有東谷存笥集六卷見兩浙名賢錄父儒泰字亨道號吾核鄉貢授遵化訓導之官數月即告歸見聞雜紀吾核善教子方端簡四歲即呼與同寢凡事教之徧讀二

三場文至十四歲方曉自少嘗游九邊縱觀要害嘉

靖壬午鄉試第一

江南通志李重官於浙鄭端簡曉

曰子此行必得元榜發果第一至公車時屬之曰必

再作第一若第二人弗吾見也會試竟第二遂巡久

之始明年癸未登第出呂柟之門年譜將殿試首相

往見明父吾核戒之曰汝不聞兩及相門張師德無書

抵政府劉元城乎因誦張東海戒子詩權門要地是

危機向遂授職方主事乃日就省中羅九朝故牘閱

謝不住之盡知天下阨塞士馬虛實強弱之數尚書金獻民

屬撰九邊圖誌三十卷以爭大禮偕諸司跪左順門

慟哭下錦衣獄被杖乙酉大同卒殺巡撫張文錦奉

故帥朱振為主而逐總兵江桓事聞命桂勇為總兵
討之勇至誅首惡十一人餘黨糾衆欲殺勇巡撫蔡
天佑反覆曉譬乃定天佑請班師曉以逆黨未盡師
不臨城疏乞明正其罪不報母喪歸服除補武選忤
張孚敬以病乞歸家居八年戊戌許讚為吏部尚書
即家除考功主事尋調文選陞稽勲員外歷驗封考
功辛丑充會試同考官桐下听然嘉靖丁卯鄭端簡典
試陝右獲三卷擬寔魁置案前
左右剔燈煤誤熱之須臾為燼公大恠惜厥後三人
一被雷震一夢魘一沉於河皆不得良死按嘉靖無
丁卯科端簡亦無再調文選中任官有餽金首飾承
典試事不足據

篚而覆之以茗公以為茗也受之夫人手換茗知之
亟擊析聞諸公公不動聲色整理其茗覆篚如初出
詢知其人有謂曰吾公之茗故拜君惠而巳授令持歸陞驗封郎
中未幾復為考功郎中時夏言罷相嚴嵩繼入特旨
數貴溪縱恣責言官不糾詔考察去留左都御史毛
伯溫阿嵩意欲去所不悅者曉不可斥喬佑等十三
人多嵩所厚嵩大憾癸卯轉文選嵩欲用趙文華為
考功曉言於讚曰昔黃禎為文選調李開先考功皆
山東人詔不許今調文華曉避位而已讚以謝嵩嵩
子世蕃以治中求為尚寶永曉謂非故事不聽嵩益

怒見淵鑑類函

以推謫降官周鈇等貶曉和州判官曉至

和日夜治民事若不及已轉南太僕丞乞致仕不允

改南考功郎

王弇州楊忠愍行狀公授南京驗封主事及與考功郎鄭公曉游鄭公素負鑒

裁獨愛重公因為公語今古陞南尚寶卿歷南太僕

成敗得失與國家章典大者少卿鴻臚光祿正卿癸丑陞南太常卿遷刑部右侍

郎尋改兵部兼僉都總督漕運巡撫鳳陽倭訐大江

南北道幾梗奸民利倭賄多與通通州人顧表者尤

桀黠為倭導以故營砦皆據要害盡知官兵虛實曉

懸重賞捕戮之募鹽徒驍悍者為兵增設海防副使

築瓜洲城廟灣麻洋雲梯諸海口皆增兵設堠遂破倭於通州連敗之如皋海門襲其軍呂泗圍之狼山前後斬首九百餘賊潰錄功再增秩三賚銀幣乃上言倭寇多中國人其間智勇可用者苦資身無策甘心從賊非國家廣行網羅使有出身之階恐有如孫恩盧循者出乎其間禍滋大矣洪武時倭寇近海州縣以高皇帝威靈兼謀臣宿將築城練兵經畧數年猶未乂安乃招漁丁島人鹽徒蛋戶籍為水軍又遣使出海布威德久之倭始不為患今江北雖平而風

帆出沒倏忽千里倭恃華人為耳目華人借倭為爪
牙非詳為區畫後患未易弭也上頗采納之又築三
里閘以通漕渠開湖櫃以興水利添設掘港把總以
備盜入為吏部左侍郎進南吏部尚書未行上以曉
深知軍實宜任煩劇更令王用賓往留為右都御史
兼兵部右侍郎協理戎政丁巳四月奉天謹身華蓋三殿奉天
午兩樓并十五門俱災曉督營軍除場運土措置有
方年譜時廷議各色人匠三大營軍錦騰五衛軍校
力士共十萬人供役工書趙文華先取營軍三萬
名應役公以原題十萬人三項酌派今木石等料未
審有無先坐數取軍則十萬人勢必皆出軍中不應

工部侍郎張其題取營軍二萬名運石公查原領運
石教稿令同順天保定兩巡撫撥取夫車亦不應一
日督工都督移文謂今日在工官軍徑出長安門散
去總督京營時為鎮遠侯顧眾驚愕無措公即草移
稿云官軍在營聽我政文武大臣號令日微兩入長
提督工程文武大號令今日微兩入長安門見官
軍陸績散出問號長管英言各匠役及錦騰五衛官
軍皆出進至午門果無匠作以及錦騰五衛官軍
應與匠作錦騰五衛人役一體如以匠作五日給工
節省錦騰五衛意欲優待比營軍不同當先期示知
但營衛軍民勞逸同情省費不貲年譜往時火焦磚
似難分別由是語塞錦分別團圍就便堆集不數日
與壞議白司禮監黃錦分別團圍就便堆集不數日
工部欲改修端門外廊房及補午門以便堆集不數日
又謹身殿後乾清宮前隆宗景運二門以裏燒柱高牆缺
以界內外議從外運取磚灰黃土起小車五千輛民
問騷動公告司禮部起車急不可得况長安兩門承天
必用黃土今工部起車急不可得况長安兩門承天

端門午門止可容軍夫出入再加車輛阻塞難行而
門外多空地可取掘黃土令軍夫以焦土填上用黃
土蓋三尺豈不甚善錦其喜午門內臺基壞石移出
長安門甚遠火焦木舊例運送琉璃黑窑二廠往返
四十餘里公語司禮左順門外東西寶善思修厚載
門剝岸以焦木移出街內門外劈取焦皮作炭木心
前用後并長庚房成稱曰街便午門臺基紛紛奉天門殿樓
可用任修私房成稱曰街便午門臺基紛紛奉天門殿樓
等臺基階級柱礎花板石面會議紛紛奉天門殿樓
工部侍郎徐果宅曰午門臺基衆議紛紛奉天門殿樓
丈重築如此恐工作不及國初萬一樓成而新基傾
側費鉅萬矣莫若止將臺下龜胸束腰墩板等新石除
不被火者留之餘鑿去燼餘約深一尺五寸以新石
補入三面分三工一月可完左右掖門須彌座石最
大且厚如前鑿去二尺五寸亦以新石補入奉天門
階沿石一塊三級殿上柱礎大者二丈往時皇城無
門限可進近九廟尤多進門三料不能進拆去承天門
東牆今料比九廟尤多進門三料不能進拆去承天門

將階沿石礎地板石逐一番轉尚堅厚可用取下面
加工用之省夫力萬萬銀糧數百萬驢騾車輛又不
知幾萬果大喜戊午改刑部尚書給事中吳時來劾
再議皆如公言

兵部尚書許論宣大總督楊順巡按路楷論削籍順

楷逮詔獄中旨命曉輟本部事署兵部尚書尋還本

部嚴嵩父子方以殺沈鍊德順楷時來既與之忤遂

專疏論嵩奸惡繼之者為刑部主事張翀董傳策嵩

疑徐階主使下鎮撫司究問卒寬順楷而戊時來等

三人於煙瘴曉不可竟取中旨行之一日以大辟坐

王忬退朝為之垂涕

味水軒日記清明上河圖臨本
余在京師見有三本景物佈置

俱不同而各有意態當是道君時奉旨令院中皆自
出意作圖進御而以此卷在陸全卿尚書家全卿已捐館
需此卷甚急而此卷在陸全卿尚書家全卿已捐館
夫人雅珍秘之至縫置繡枕中坐卧必偕無能啟者
有甥王姓者善繪性巧又善事夫人從容借閱夫人
不得已為一發藏又不欲人有臨本每出一屏去
筆硯令王生坐小閣中靜默觀之如此往來兩月
凡數十番閱而生王歸輒寫其腹記即有成卷都御
史王序迎分宜旨懸厚價購此圖王生以臨本售八
百金御史不知遽以獻分宜喜甚發裝潢匠湯姓者
易其標識湯驗其層索賄四十金於王不應因洗刷
露其新偽嚴大嫌王因中之法致有東市之慘云
原任中允郭希顏曾希旨奏請奉獻皇八四親廟而
祀孝宗於世室遷武廟於別宮以示姪不祀伯弟不
祀兄之義頗稱旨嵩惡其軋已陰撓之假考察謫浙

江運判移疾家居見東宮虛位至是復請安儲言涉
詭激科道以悖逆叅奏曉擬妖言律拂嵩意希顏竟
坐立斬傳首各省戒菴漫筆江西郭希顏十三歲中
鄉舉在場屋作文甚捷監場布政
使見其逋卷尚早呼之前出一對云紙叛卒周山以
糊屏風千箇眼對曰油澆蠟燭一條心叛卒周山以
南京戶部扣減月糧鼓譟迫拽侍郎黃懋官懸斃橋
坊事聞曉與左都御史周延大理少卿張雨擬山秋
後處決嵩懷前嫌密疏言郭希顏應重而輕見聞雜
紀郭疏
勸上立儲卒蒙顯戮余在吏垣檢其疏三復之辭指
慄慨出忠義肝膽何疑第不知何意疏內有建帝二
字故主上盛怒時大司寇鄭叛軍應輕而重奉旨切
公曉覆奏擬從末減上不從

責順天巡按鄭存仁禁民越訴曉言會典開載近京
犯人聽法司問理率本部左右侍郎趙大佑等疏論
存仁違例存仁亦執奏方下都察院會刑科平議議
未上曉復疏辨上責其不靜候處分落職歸卒年六
十八謂乳母曰身是海寧尚書曉生而艱語既四歲忽
寺尋道侶也家人怪異試抱之入寺寺僧數十人一
一詢名字年歲及生平果行纖悉不爽過囊下指一
大稅曰此吾昔年坐卧處又捫柱上指劃痕曰吾念
佛一聲劃柱一過深入幾半矣慨然嘆息久之乃歸
初海寧大起法會有盲道人者不知何來留不肯去
旦夕惟劃柱念佛茶毘之歲恰四周自後穎悟絕人
博洽羣籍年幾七十一子履淳訟曉禦倭功於朝復
日閉門靜坐庵然而逝

職贈太子少保蔭一子履準國子生賜祭二壇謚端

簡明史曉家居角巾布衣見者不知其為名卿宅有

泉味淡而甘因自號淡泉居士姚士粦見只編端簡

粉墨登場雖給用有羨不營子母家規雖宴貴客不使

無一人入歌姬之室者此規至今行之利雖子姓繁行

之藥石也著吾學編徵吾錄古言今言明世說新語雷尚

尚書曉无留心國朝典章書禮無書不讀鄭

世稱古和知古淡泉知今淡泉奏議文集諸經解禹

貢圖說家義考鄭氏曉禹貢圖說一卷存子履淳曰

而貢道以別列山川於諸條之下疆界於各州之中

河表東西荆分南北或地雖小而紀之必備或彼州

治而此功亦成本諸經文質諸傳義更附以昭直文

代之地制使觀者開卷披玩恍如身列十

淵閣表典銓表百官述行世并州荅記題楊忠愍之
以橐餗獲侍談笑從容謂留銓有三君子下擬時不肖
所師楊公豫孫吾所友何公遷吾師友之間又謂吾
即死以累足下不者三君子可不朽也明年君赴義
已楊公用中丞卒官鄭公用大司寇卒於里何公亦
老且死余與少曉在南太常著吾學編一日草奸臣
師華亭公終之曉在南太常著吾學編一日草奸臣
傳夜夢其人來辨往復不已曉不能勝明日竟削稿
見金陵曉雜著甚多及趙文華許李默論辟嘆曰古
瑣事
有一言而殺身者況成書乎因畀之火并州盛事述
生年二十履準字叔平任都察院經歷累官南刑部
二登第浙名賢錄
郎中兩浙名賢錄
載孝友傳

履淳字伯寅

一字叔初

曉長子嘉靖戊午舉人壬戌進

士初授刑部主事轉尚寶丞穆廟三年冬上疏極論時事言頃年以來萬民失業四方多故天鳴地震災害頻臻臣等當痛哭流涕於殿廷皇上亦當卧薪嘗膽於宵旰也夫飢寒迫身易為衣食嗷嗷赤子聖主之所以為資不及今定周家棄土之謀切虞廷困窮之懼則上天所以警動海內者適足以資他人矣今最急莫如用賢皇上御極三禩矣曾召問一大臣面質一講官賞納一諫士以共畫思患豫防之策乎高

亢睽孤乾坤否隔忠言重折檻之罰儒臣虛納牘之功
宮闈遠脫珥之規朝陛拂同舟之義回奏蒙譴補
牘奚從內批徑出封還何自綱紀因循風俗玩愒功
罪罔覈文案徒繁閤寺潛為厲階善類漸以短氣言
涉宮府肆撓多端梗在私門堅持不破童牛羸豕無
先事之圖社鼠城狐有難施之計患豈在明前車不
遠萬衆惶惶皆謂羣小侮常明良疎隔自開闢以來
未有若是而永安者伏願奮英斷以決大計勿為小
故之所消弘濟哲以任君子勿為嬖昵之所惑移美

色珍奇之玩而保瘡痍分昭陽細務之勤而和庶政
以蠶裔為關門之勁敵以錢穀為黎庶之脂膏拔用
陸樹聲石星之流嘉納殷士儋翁大立諸疏經史講
筵日親無倦臣民章奏與所司面相可否萬機之裁
理漸熟人才之邪正自知察變謹微回天開泰計無
踰於此疏入上震怒廷杖一百血漬袴盡殷下獄數
月刑科舒化等以為言釋為民歸家杜門卻掃人罕
見其面萬曆改元起原官遷光祿少卿使德藩歸卒
於家

明史
有傳

心材字敬中履淳子以門蔭起家都督府都事稍

遷應天府通判妖人劉天敘

一作天馭

者鳳陽人來留都

與其黨舁小佛像入村落募錢人叢集觀之因妄言
有異術能畫地地陷指天天開且知人三生事有納
錢者許其來生為指揮適有婦哭於陌上呼而觀之
曰來生當為后妃遂攜去行淫有衛軍豔其術禮為
師請試之不可固請則曰宜齋戒擇日如其言復請
之天敘計窮乃謬言曰南中方有奇變天地昏黑者
四十九日相殺且盡宜且避之何試術為欲借此逸

去軍倖功以謀叛告之操江豐城侯李某李告之內
守備太監邢隆外守備撫寧侯朱某尚書叅贊孫鑛
隆及撫寧執告者以聞下法司訊鞫操江都御史丁
賓掌刑部大理事檄心材窮治案驗僅木棍一束其
黨四十九人皆菜傭乃力言其無反狀會賓亦曲為
之解磔天敘斬從惡者一人餘悉論戍差掣兩淮鹽
課降運司經歷不赴歸子端胤國子生

孫璽字朝信晚號峰溪其先華亭人曾祖固鄉貢授
華亭教諭不就有聽雪齋集祖忠徙平湖璽弘治辛

酉舉人正德戊辰進士初知興化豪猾徐恩以貲為
本邑千戶與其宗人橫行邑中璽廉得奸狀先懲其
宗人翼日百姓告恩謀殺道姑攫其財寘之法并其
宗人亦抵死陞松江府同知丁內艱服除補揚州其
去興化也恩家賂大閹瑞斬反其獄屬巡鹽御史張
某窮按之并囚璽明詩綜興化歌曰彼惡人兮虎
翼而飛惡人既殺兮公瘠我肥璽
在獄按張書痛詆阿徇中璽發其隱曲張慚引疾歸
後御史來得釋之官寧庶人攻安慶璽守儀真捕儀
賓為賊謀者殺之故事解軍犯者失官文書例配為

軍壘議一軍須兩解人失文書坐軍則又當以四人
解之更有失誤糾纏無已乞限一月令得自首更給
文往遂以為例陞南宗人府經歷以外艱歸服闋陞
山東僉事提督京畿屯餉時中官貴戚侵奪民田命
兩御史往勘不能制復命侍郎往卒不決乃命壘丈
皇莊草場閹戚所奪悉歸之民又覈中貴產歲輸公
帑銀七萬兩調雲南叅議分巡河海道麗江土官爭
金沙江相讐殺壘會勘不為賂動乃奉約如故本朝
錄武宗正德四年孫壘知興化縣事多奇政時大水
傷稼上司不允題荒壘即自為奏請詔減田租之半

又賑飢民萬餘人後以兵移雲中兵備大同卒以數
備巡歷雲貴直聲大振
亂驕恣墮慰撫得其心無跳梁患
淵鑑類函墮為山西僉事巡大同盡
心撫馭人
賴安堵
吉囊入寇敘贊畫功賜金以吉服見巡按
御史御史惡其慢己遂中考察歸兄璧字朝瑞以鄉
貢為吉水教諭遷伊府教授與墮同居庭槐忽生連
理著峯溪集五卷子植

植字斯立號蜃川嘉靖甲午舉人乙未進士選南
戶部主事守備中官潘珍從子怙勢為奸利植正其
罪揚起听獄株連官吏三十餘人弗決植徧取案牘

總計慈慶等宮費八十餘萬半係起昕乾沒論戍乞
終養尋居父喪服闋補兵部以資望改光祿丞時寺
卿馬從謙獲罪中官勢益張動以醺舉傳索無厭上
亦以光祿費不經察植廉幹即授少卿植正色絕浮
冒巡視光祿御史覈寺籍云自植持費每歲止用銀
十七萬兩較前省銀數十萬上加意委之不調者九
年後出為南太僕少卿進南鴻臚卿踰三年復召入
掌光祿壬戌以右僉都御史出督河道不滿歲遷南
大理卿進南工部右侍郎時三殿工興漕渠久旱大

木及漕艘不能前河流且北徙所司議歲增淺夫植
曰中原為南北咽喉而徐州雜役歲出班夫五萬八
千有奇洪夫等役又動以萬計徐之民戶僅二萬歲
歲拘役民疲極矣力止之改刑部右侍郎轉左擢南
右都御史掌院事隆慶改元改南刑部尚書訊巨閹
王采邢保張進朝等獄盡法不少貸三疏乞休不允
亡何以勘魏國公事奪職魏國公徐鵬舉有七子而
無嫡嗣長子邦瑞已受牒國學幼子邦寧陰為其生
母鄭請封而賄助教鄭如瑾謀襲爵事聞下南法司

植據法按之謂邦瑞居長宜嗣魏國溺愛宜罰鄭氏

詭封宜追奪如瑾交通藩國宜削籍讞上輿論翕然

時高拱再起憾南御史尹校論已欲修隙於植給事

中王貞希拱指誣劾植訊報不詳遂罷歸明史崇隆

月南刑部尚書孫植南祭酒姜寶誠意伯劉世延聽

勘鄭如瑾喉給事中王貞劾魏國公立愛事實亦與

知植訊報不詳世延獨受重起工部尚書三疏辭優

賄蓋因世延而牽寶植也詔許之家食者十七年建宗祠置義田以厚族人卒

贈太子少保謚簡肅植生平峻潔鮮嗜欲小心謹畏

而臨事不畏強禦靜志居詩話簡肅家誠頗嚴諸子

析箸後每夕各出盤蔬榼酒共飲

飲罷必分題賦詩其意以為兄弟日親子成名萬厯則妻妾之言不得而間蓋亦具苦心矣子成名萬厯己卯應天舉人次成憲以任為刑部郎中次成泰植玄孫鍾琦崇禎丙子舉人

成泰字允交號雲衢隆慶丁卯舉人萬厯丁丑進士知道州市販例輸稅於官始出售成泰罷之陞蘇州府同知入為刑部員外恤刑江西巡按御史以太縱駁之其辭傲成泰上言故事恤刑剖斷巡撫御史不得爭所以體朝廷矜宥之意今乃至判讞牘如屬吏置使臣於何地朝議多不直御史而是成泰事竣

陞饒州知府時御史尚在事成泰引前嫌控辭改知邵武府值大饑先賑後請忤上官降本省鹽運同知士民赴京保留不允省見福建志以薦起知蘇州府又拂巡按御史意挂冠歸再起知大名府郡有公田供守令以下支給成泰蠲之學宮一歲即擢分巡大名副使復忤撫臣歸二年卒趙維寰焚餘稿雲衢自筮仕所至惟攜一版簾簾中國書數卷衣數襲去亦如之當在蘇州時家書至禁弗得入也與直指爭禮竟懸其印於梁挂冠去然藉先茫猶諸孫曾桷有文名著惘若清西馬廓巷則清而苦矣

梅間草竹裏吟學陶集數種

校字右文植族弟嘉靖乙酉舉人壬辰進士執喪
不入城市授營繕主事出督荊州闕轉武選郎中時
同官有失校職黃之偽者事連及校謫廣東市舶提
舉量移衡州府同知入為南刑部山東司郎中擢四
川副使出淹繫撫豪酋興農講武暇則肩輿問風俗
禮賢訓士以疾致仕

嘉禾徵獻錄卷九

刑部

郡人盛楓丹山輯

男支焯校訂

吳中偉

吳中偉父霽兄之英

麟瑞

麟瑞 祖震父中任
弟麟武子晉書謙牧

麟徵

子壯與蕃昌

姚

参

兄奎
子遠 甘肅寶定

筐

子體勤勤子至恒

士慎

從子世儀

體信

體信父壽壽弟壽
益孫士才弟士龍

葉

春

父祥

吳中偉字生白其先天台人洪武初信國公湯和奏
移右姓實海衝徙澈浦遂為海鹽人父霽凶歲出粟
賑饑二子長之英字心沂萬歷癸卯舉人寧海教諭

終蕭縣知縣次即中偉中萬厯丁酉順天鄉試戊戌
成進士授南行人丁母憂服除補右司副出使益潞
藩三藩陞刑部員外督貴州學政轉福建右叅議調
上湖南副使以贖鍰千金買衡永九屬學田改江西
右叅政進廣東按察使香山番舶築青城逼內地中
偉馳檄諭之三日盡毀就遷右布政使入為光祿卿
轉大理邊警方急以右副都御史巡撫薊遼命下解
嚴中旨改用閻鳴泰而以中偉為工部右侍郎尋改
刑部左侍郎乞休加刑部尚書卒於家

味水軒日記
生白居恒坦

易不設邊幅嬉笑任真視士大夫拱揖凝
重狀如木偶而胸羅戈戟者猶天淵也

麟瑞字思皇號石苑祖霍與齊為同父兄弟父中

任麟瑞萬曆戊午舉人己未進士授常州府推官疏

剔白糧及織造諸弊妖人葉朗生馬道人煽亂吳越

擒其首誅之

楊園見聞錄先生司李常州彼中士大

與交故政蹟雖殊

夫名為道學者請託營私先生薄之不

不得考最入臺省天啟辛酉充應天同考入為南儀

制主事調南考功丁憂起原官陞郎中改南稽勲轉

湖廣叅議調分守常鎮改九江副使初下車謁羅明

德祠與諸生講學諸生講論有佳者輒虛己受之

志西通

有龜峯渡風濤驟至弱者甚衆麟瑞相度地勢
築橋名萬年人不病涉時寇盜充斥作瞽論萬言極
陳時政遷本省叅政丁憂再補廣東叅政仍調江西
進本省按察使就遷右布政告歸癸未以兵部侍郎
右僉都御史巡撫偏沅時三楚盡陷麟瑞方促裝就
道而沅撫復裁遂回籍麟徵殉難慟哭為文祭之并
作自祭文一夕卒有哀鴻秋蟀諸集弟麟武國子生
饒州府通判麟瑞子晉書字接侯崇禎丙子舉人謙
牧字哀仲諸生有至行楊園備忘錄韞斯以予初學
備忘質之哀仲哀仲曰山陰

不脫姚江習氣吾是以不敬山陰考夫看來不脫山
陰習氣韞斯述其言告予予於先生之學未得萬一
況敢言脫然未嘗
不服哀仲知言

麟徵字聖生號磊齋年十二與同學戲擬文天祥
罵李羅壯志氣激烈人已異之及長與兄麟瑞同舉
萬厯戊午鄉試將詣公車獨謝不赴天啟壬戌成進
士授建昌府推官屬縣有大中橋權稅如關市徵署
事設匭橋上視課足即縱行甲子充本省同考劇盜
何繼竹能袖鐵椎椎人百步外其蹟詭變莫測竄名
益府為王官益肆橫徵偵繼竹所善豪猾吏坐以當

以死罪令蹤蹟繼竹自贖遂得其狀他日徵出顧車
左有一道士羽衣丈劔叱吏攔之即繼竹也土豪黃
孟嘉以藩戚出錢取息剥民甚毒徵按置重典見江通
志丁父憂補興化府推官年家子遺新茶一罌傾之
得金重緘而還之鄭芝龍開府漳南交公卿無所顧
忌見徵輒致敬庚午充本省同考莆民有訟其子者
榜之去數日復來徵叱曰趣汝來者得非汝後婦乎
民驚服因呼其子至謂之曰善事後母復謂其父曰
善教汝子毋暱婦言傷天性父子感泣而去久之父

竟悔悟出其妻及徵去官父子俱來送徵曰速召爾

妻不然母子之倫絕矣聞者大服通志福建

辛未卓異

擢吏科給事中是時貪吏縱橫盜賊彌蔓徵首疏請
達下情悉民隱又請擇郡守言郡守廉縣令不敢貪
郡守慈縣令不敢虐郡守精明縣令不敢叢脞宜仿
宣宗用况鍾等故事精擇禮遣重以璽書假便宜責
令久任民生疾苦吏治咸否使得自達天子時不能
行文選郎牟道行以賊敗左遷廣西太平知府徵言
賊吏不可使專城河決蘇家嘴新溝南下不復東歸

海淮揚屬邑悉被災督漕侍郎李待問不能治徵極論其罪建安知縣徐汝驊因賄首薦牘發其奸諸人多獲譴巡視皇城徵蓐食城闕間日閱更番冊籍整睥睨懲守衛警宵柝同列皆笑之徵曰諸君謂今日太平無事耶文恬武嬉我不知死所矣同官章正宸以劾新輔王應熊下詔獄特疏訟寃漏刻博士周長庚疏諄中官且請搜括徵力駁其謬一日上臨軒廷問得失諭曰今天下不幸有事用人方急宜無忌諱各言爾知輔臣溫體仁未測詔旨所向乃曰臣等名

辱政府不宜有所寵引皇上第責之省掖何患無賢
徵踰序出曰薦賢正輔臣事非諫官責輔臣可以盡
吐握之誠薦達疎遠諫官職在補闕拾遺若叅用人
柄則國家論列長短屬之何人上稱善又請罷倣臣
緝事內引高皇帝詔旨不報甲戌請假營葬自引六
罪辭甚哀切既去貽言路公揭畧言自古言官積輕
廟堂之上往往反其言而用之奸人窺見此旨明告
君父目為朋黨自稱孤立下背公論上竊主權諸君
子宜盡化沾沾之意毋落其彀中隨丁繼母憂戊寅

還朝補原職劾吏部尚書田唯嘉贓污唯嘉罷去故
輔文震孟卒所司不敢聞徵為請卹三垣筆記給諫吳麟徵與詞林
文震孟最密一日震孟出其懷中劾潤州張某奏稿
風使上之謝曰非時政所急也震孟鞅鞅去已而心
益敬己外冊封魯藩引疾歸即家起刑科左給事中
不赴周延儒再召居首輔尊幸殊絕欲引以為重薦
掌吏科徵不顧謝三垣筆記司馬張國維坐邊疆失
請赴江南估權財貨以濟軍需六垣皆往餞麟徵舉
不聞催科之司吏部尚書鄭三俊暱司郎吳昌時昌
馬國維有慚色
時頗橫徵乃與御史祁彪佳合疏參廖國遴楊枝起

方士亮語連昌時會他御史亦爭劾之上收昌時御

門詰問且加刑訊徵言祖宗舊章刑人不於廷筆三垣

昌時為大行旁若無人舊例考選必同鄉諸公為政

其視同鄉葛給諫樞等貌如也及得禮部溫甚熊銓

曹文舉同鄉過周謀為仙居令遣二僕入都為殿役

緝獲其與文舉東云送尊翁宅內乃王者興必有名

世之數又云敝座師首揆處業有善意東廠以聞薛

輔國觀其甚不悅時馮少卿元魁奉差回籍其保舉知

縣秦姓者亦以書帕餽被緝昌時自為行解乃已國

觀密以聞於是閣殿水火而昌時自為行解乃已國

林檎及考選時見上於部擬各銜諸閣臣頗得標議

又託國觀私人拜為門生國觀弗信也卒改科為部

仇隙日深觀剛復夙與東林為難然不聞貪穢聲

昌時忽語人曰國觀剛復夙與東林為難然不聞貪穢聲

網矣不數月果敗國觀輩必敗吾已於廠衛處張四面

時趙家宰南星調兵部鄒員外維璉猶大閱若以禮

卷九

部正郎調文選正郎則又自昌時始既調春李例轉
皆自己出吏科吳都諫麟徵掌河南道祁侍御虎佳
並未商也科五道十兩倍舊額予曾密訊吳都諫云
昌時正人自負公鄙其為吳曰彼非獨與予同鄉且門
二人之門人也然實鄙其為吳曰彼非獨與予同鄉且門
萬金郎其房劉某入闡為通訊今雅察父母也又誘伊數
可例推矣蓋劉某入闡為通訊今雅察父母也又誘伊數
筆加圈點而以墨筆抹之昌時屬其子劉東來無資餘
詢之非也故恨若王則以五言主司吳翰林國華所為
時里居時凡公祖父母皆執贄稱門下士盛服以謁昌
昌時則方巾短袍送乞休門而止有強項者服以謁昌
之故無不風靡昌時未下昌疏周擬票云吳昌時准回
藉調理病痊起用旨幾屈惟昌預聞票擬一於人及與
侍衛拱辰實街前將幾屈惟昌預聞票擬一於人及與
票閱之果是故敗昌時與吳金吾孟明密及駱金原
養性以楚人心繼盡革殿之周輔亦有易養性意故養
欲除養性以楚人心繼盡革殿之周輔亦有易養性意故養

并怨焉陳輔演昌時鄉試座師也自吳周二輔行後
昌時與曹龔二給諫百計圖演聞演親過昌時寓致
殷勤且託人語曰侯入春闈訖即行然恨之入骨矣
其臨故輔國觀王中翰陸彥連坐棄市至是人夢陸
彥曰吾已訴上帝冤獲伸昌時不日禍作矣鄭庶常
鄧吳銓曹昌時一附黃翰林道周一附鄭家宰三俊
人欲擊鄧恐累黃公欲擊昌時上啟弘政門求直言
恐累鄭公故上獨斷誅兩人
行人熊開元科臣姜埰劾延儒皆被責下詔獄筆三垣
熊司副開元故給諫也因同官周瑞豹周輔延儒之門人
貲代納未完錢糧事發議處瑞豹周輔延儒亦坐謫欲賜
力救之言如瑞豹比者甚衆牽及開元亦坐謫欲賜
環非建言不可愈恨之糾延儒疏乃孫廷尉晉所欲授
開元請對乞屏諸臣上獨諭止延儒心疑託昌時言
隨命具本蓋欲盡發延儒之過延儒心疑託昌時言
開元寓疏中所論半為勒死帝麟徵又疏救上臨朝
怒謂其陰陽兩可幾置之死
卷九

甚怒謂羣臣曰二臣欲何所為徵從容曰小臣愛君
熱腸忘所禁忌陛下正當使之盡言日者封疆之事
委任失人天下洶洶首輔安所辭責上數迴顧延儒
延儒忍汗伏地謝死罪上怒稍解都御史劉宗周更
奏他事復及開元等言陛下外求直言而內疾言官
何以示天下後世語不止上復怒敕衛驕曳宗周下
殿僉都御史金光辰爭之並繫獄徵叩頭言宗周之
忠羣臣百姓皆知之今臣等俱救諫臣而一人獲罪
臣等亦何顏詔趣冠令起出又連疏救之開元塚免

死宗周終放歸尋有內監行邊歸刺延儒陰事乃逮

延儒卒賜死明史稿初薛國觀賜死謂昌時致之其

與陳演共排延儒昌時甚因時棄市勒延儒自盡癸未充會試同考寧遠告急請

棄山海關外寧遠前屯二城徙吳三桂入關屯宿近

郊以衛京師閣部相顧委讓不能決三垣筆記宣雲

非薊督王永吉寧鎮吳三桂密鎮唐通合力一戰不

可帝然之輔臣陳演以為一寸山河一寸金錦州告

急寧兵萬不可調帝召諸臣赴閣議獨成國公朱純

臣宮詹倪元璐少司寇金之俊都諫孫承澤主調而

都諫吳麟徵爭之力其言云寧遠當徙與否該撫鎮

當與皇上密議之而樞輔二臣當與皇上密決之

之盈廷誰執其咎然臣請任其咎矣寧遠一鎮一撫

實當今人傑極言關外九城勢在必棄臣再三思惟

今冠旦夕發秦晉若使來捍京師一舉兩得趣六垣
署名不應乃獨署之時輔臣陳演魏藻德皆為是議
左輔臣方岳貢至移書南司馬各之麟徵不顧也演
又具揭請上差官取各督撫議回奏及奏至皆如麟
徵言始降俞旨撤寧赴援永吉等以三月初出關徙
寧遠五十萬衆日行數十里十六日入關二十日抵
豐潤而京時上眷輔臣陳演甚隆令得密札言事徵
師已陷矣

曰宰相不容有私語固請除之客周生者知時事曰
盛謂徵曰公兩推寺卿俱不報今一謁相君便可旦
夕南去何拒之深也徵應曰匹士定交杵臼猶不負
叩門之急况居身言路叅預惟慎可一旦臨事而遁
耶身可死宰相不可私謁知子忠我勿復言遷太常

少卿上言乞假南兵部尚書史可法節制江南諸帥
抗禦流賊陳演罷以魏藻德代之時事益急發前徒
寧遠疏立詔赴援十二日賊迫畿甸始令百官守各
門徵守西直親桴鼓沖矢石蓐宿城上十七日巳刻
賊數十萬猝至飛塵障天咫尺不相見衆大驚郭外
戍卒盡散走賊乃突入外城圍城數重又為衝棚撞
城解舍自壞賊爭引矢仰射乃引門為楯門被三矢
皆貫木至中夜賊發大礮墮城樓下徵端坐自若十
八日賊偽樹勤王幟叩門請入中官欲納之徵不可

以土石塞其門俄而兵部騎士持招勤王幟飛至請
出徵亦拒之因轉赴德勝門有守吏乘馬躍城上忽
易緋衣徵望賊皆緋衣目叱之吏卸衣遁同守武安
侯鄭某惠安伯張某皆曰危在漏刻柰何徵回叩闕
欲見上白事至午門遇輔臣魏藻德告曰事去矣願
見天子言狀藻德曰上入宮誰為趣起今火石轟然
城雉巖峻何匆遽為引之去徵洒涕曰此聲自賊陣
非內禦也破在呼吸乃尚作緩語耶藻德曰姑還守
所明日至司馬門議之徵度不能達乃復登陴明日

城陷邸舍已為賊據乃止道旁祠中謂其僕曰古有
忠臣文天祥遭國覆亡流離兵革羈囚困厄終至於
死昔我登第時夢一褐衣丈人負手仰天詠文丞相
零丁洋詩旁一人指之曰此處士劉宗周也是年劉
適為同考官今山河破碎矣不死何為揭祠壁間敗
紙作書決家人曰祖宗二百七十餘年宗社一旦至
此雖上有龍亢之悔下有魚爛之殃而身居諫垣無
所匡救法當褫服斂用角巾青衫覆以單衾足矣明
遺聞又寄兄麟瑞書則憂江南有事寄從弟書則解
明生平欲學文山之志寄諸子則教以讀書明理解

帶自經家人救之甦環泣請曰待祝孝廉至一決可

乎許之祝孝廉名淵以救宗周下獄與徵善者也明

日酌酒與別自經死三垣筆記給諫高翔漢有言其

科為停抑章奏通遞消息者初謂言過及讀常少吳

麟徵殉節錄云逆臣高翔漢已受賊署解說百端公

厲聲折之翔漢愧恨去見吳邦策國變錄載翔漢為

閩左都既自降又說人降且越擢乃爾挾賄賣緣之

誣非留都建子生員蕃昌上狀請卹贈兵部右侍郎

謚忠節官為營葬於乍浦諭祭蔭一子建祠於本縣

賜額曰旌忠國初改謚貞肅楊園備忘錄忠節嘗

死所以能以身殉國是即志士不言要窮就窮要就死

忘在溝壑勇士不忘喪其元意子壯興早卒次即

蕃昌字仲木為後於中偉徵死冒兵刃渡淮迎喪歸

葬繼以母喪未除服卒

靜志居詩話仲木師事劉念

鄉張履祥考夫講洛閩之學

姚參榜姓張字應辰平湖人占籍華亭兄奎字應文

弘治辛酉應天中式參正德庚午應天舉人授上饒

教諭以經義課諸生人馴其教擢知宜春縣甫至即

出穀賑饑興利除害務搏擊權橫又請減貢茶費十

之九民慶更生通見江西志調桐廬陞南都水主事歷南

刑部郎中督稅荊州終涇府長史五子篚篋篇簞笈

皆有才名簣字成之嘉靖辛酉應天舉人笈字約之
嘉靖甲子應天舉人

篚字登之一字希實嘉靖辛卯本省舉人授廣信
府推官創築玉山縣城置戍於分水溫陵相水三關
礦徒山賊不敢嘯聚遷知宿州不避強禦貧弱小民
百計芘之招流亡給牛種墾荒積穀置民舍於徐州
以便兌運民肖像祠之及見鳳陽府志再補泰州入為刑
部江西司員外遷貴州司郎中終貴州僉事嗣子體
勤不仕體勤子士慎次士恒字叔永萬曆戊午應天

中式天啟壬戌進士歷浦城羅山汝陽知縣行取福建道御史

士慎字仲含號岱芝萬歷癸卯本省舉人甲辰進

士選庶吉士改吏科給事中疏諫開礦謫福建布政

司照磨遷行人左司副尚寶承陞光祿少卿調順天

府丞進左通政謝病歸丁憂起大理左少卿崇禎戊

辰陞南太常卿崇禎紀畧魏忠賢有十孩兒吳淳夫

田爾耕許顯純李燮龍曹欽程倪文煥田吉為五虎

尚書蘇茂相左都曹思誠署大理少卿姚士慎等僅

引職官受財枉法吳淳夫三千兩李燮龍田吉各一千

煥追贓五千兩吳淳夫三千兩李燮龍田吉各一千

兩助餉田爾耕許顯純引故勘平人致死律斬監候
崔應元楊寰孫雲鶴引知情共勘發邊遠充軍輿論
譁然次年閣臣韓進南刑部右侍郎未幾拜本部尚
書免歸三縣田糧構訟士慎與巡按御史厚士慎訖
善邑至郡為嘉秀諸生呂嘉祐吳賓素等話逐狼狽
歸恚而卒嘉興縣新志呂嘉祐字幼安吳賓素字水
繡衣使者左袒善邑各憲邀平海崇祠大紳集郡廟
公議平湖一紳亦左袒善邑郡人噪而逐之先是繡
衣行部嘉祐等請通丈三縣田時賓素軀長而偉繡
衣目之熟事聞遂按貌指提且大索噪者秀令傳汝
為投冠府堂而去諸生張翊譚貞良屠維德實中瑄
等慨然請就獄司李方士亮不忍止以嘉祐等三生
解院張翊疾走杭州賄行杖者三生得不死杖隨解
撫院集各官會訊時嘉祐創甚奄奄一息昂首言曰

粟鄉紳之挾私罔上非粟官長比也粟於途非粟衙門比也士可殺法可紊乎撫院詰倡亂者賓素曰嘉善攘田卸糧人痛切膚豈必豪民鼓倡素等捐軀為民弭亂耳杭司李黃端伯曰義士也乃免入獄擬戍歸赦從子世儀萬厯戊午舉人

體信字汝達號華麓父籌不仕體信嘉靖乙卯本

省舉人丙辰進士授都水主事歷營繕員外督水徐州洪有片善輒屈己推誠不愧古人風概人遷屯田

郎中出知南陽府歷福建副使河南叅政再補山東

見聞雜紀士大夫有不善處貧者亦有不善處富者貧而務奢紀士大夫有不善處貧者亦有不善處富者金其卒也不知曾償人否同年姚華麓有田二三千金其卒也不給時稱貸於富家余諷之曰弟止田百畝畝口食不給時稱貸於富家余諷之曰弟止田百畝

歲食外尚餘三四十石買蔬菜非不善處富之徵乎籌第蓋良醞丞蓋孫士多
萬厯乙酉舉人九江府推官終德慶知州士多弟士
龍知新寧縣

葉春字景暘海鹽人其先本林氏父祥幼孤鞠於外
兄遂冒葉氏春自幼警敏有才識洪武中起邑掾歷
事吏部者六年永樂初禮部尚書李至剛薦授主客
主事陞本部郎中三載考最出為兩淮運使丁父憂
服闋改福建右叅政仁廟立來朝與廣西右布政周
幹同被璽書巡視應天蘇松常鎮嘉湖八郡訪民利

害而建革之宣德初復同大理卿胡察巡視蘇松諸

郡王錡寓園雜紀察至嘉興一日痛笞郡吏辱罵不

來已春從容謂羣吏曰諸君勉之某在此亦曾受挫

慙報春雖視事於鄉而秉公推誠無所屈撓改四

川右叅政未行奉敕督淮徐秋糧三年又申前敕與

錦衣衛指揮任啟御史賴瑛太監劉寧巡視還擢刑

部右侍郎未幾感風眩上命太醫視療乞歸卒於家

年六十四訃聞賜祭命有司治葬墓在大易鄉陳懋

南雜志國初起掾吏至尚侍卿寺銓司臺省藩臬者

自朱逢吉及春外殷昶監察御史陳宣吏部郎中出

為河東運使張翌大理評事廣琛吏部郎中張振夔

州知府見後全宗禮部儀制司主事遷韻外郎一作

琮金

嘉禾徵獻錄卷十

刑部

郡人盛楓丹山輯

男支焯

錢伯珍

昇

沈

衡

祖孟賢父文郁子奎

李

儒

張

淮

遠祖餘慶祖綬父恩子榛祠

正鵠

母諸

趙維寰

曾祖彰子韓韓子油

王

軫

父升

沈堯中

子廷珪

夢斗

王

輔

父聰子璣

家棟

家相

兄子廷俊

張

璵

父翬

卷十

一

子堯臣武臣

王梅

彭輅伯父誥公諫子潤宏

范言

郁蘭父玟

俞乾

王朴高祖義

爰子汝翼汝明

金枝

錢伯珍武進人洪武初以本學生員從征有功授世襲千戶不樂就自劾罷當軸惜其才改授府同知之官未幾謫戍鳳陽陵寢久之赦為蘆漚場大使因占籍嘉善子昇

昇永樂甲午以歲貢授刑部主事歷本部員外郎

郎中

沈衡字用權

一字平甫

海鹽人祖孟賢永樂中以里中良

善受教獎

畧曰爾

沈孟賢良家子弟資質溫純譬猶

寸絲之積

朕嘉爾

至誠

好善

特賜

褒獎

爾宜

及時

努力

力勉於為

善為臣

子而

務盡

於忠

孝為

兄弟

而務

盡

力

於友愛少

以事

乎長

長以

務盡

於忠

孝為

兄弟

而務

盡

乎王法已

分無

慢忽

乎長

以務

盡於

忠孝

為兄

弟而

務

光榮子子

孫世

臻善

慶矣

爾其

欽承

朕訓

無怠

無

怠

諭故父文

郁不

仕衡

成化

丙午

舉人

弘治

庚戌

進士

士

授刑部主事恤刑南畿歷員外郎郎中卒子奎少有

神童之目年七歲時衡在刑部孝廟聞其才召見命

入翰林讀書稱翰林秀才特與朝賀未幾卒

李儒字宗文其先嘉興人徙華亭之陸磊塘又遷涇儒正德庚午舉人辛未中會試甲戌廷對第進士年已四十餘矣見朝政日非謝病家居自號宜散道人嘉靖改元起延平府推官自奉儉素嘗郊迎上官驛吏以酒饌進却之左右曰例也儒曰令甲耶見福建通志擢南祠祭主事經歲不知案牘儒甚安之轉南刑部郎中乞歸

張淮秀水人國初名餘慶者鄉貢為泗州衛經歷祖

綬成化甲午舉人夔州府同知父恩不仕淮國子生
嶧峨知縣二子榛桐榛鄉貢不仕桐子正鵠

正鵠字德中父早卒母諸同郡副使偁女也苦節
撫之中嘉靖辛酉舉人隆慶辛未進士授太常博士

遷南武選主事乞養歸服除補刑部歷員外郎郎中

致仕

味水軒日記先生恬修潛養立朝不一二年以忤權貴歸杜門不交世俗日以臨榻名蹟為務

書遂超勝有二王風軌余為諸生時好為古文辭先生乃忘年友余每相見談筆法追尊吳興而頗非蘇

米然非得精手界畫行間未嘗輕下筆也

趙維寰字無聲平湖人曾祖彰鄉貢

焚餘稿吾家起邑東陸始祖墓

在瀕海之錢公亭始祖母沈貞人為石牕先生嫡姑
其作姑誌銘云貞人沈穀瑤女適趙璧璧瑞卿子也
字伯玉係宋宗室與琚後沈瑤所生諸孫兄弟三人以
泰氏分序次長泰一徒竹林廟其後有趙季川者其
裔也泰二則南分隱居家維寰為諸生父讐中之巡
是泰三則北分吾家是余有不共之讐於得白貢北
按御史杖幾斃沈懋時懋時晴峯之弟
雍萬歷庚子舉順天鄉試第一以文體被糾焚餘稿
議雖時命之厄而同鄉一二先達微有愆憾少宗伯
朱養淳與予素無交會予同選籍沈虞郊故不喜予
適館宗伯邸入其譏謂予曾罵朱閣人予絕不知也
已臨場予梓八義虞郊故以呈宗伯宗伯讀未既曰
此等秀才學道不禡片乃選貢耶試竣予擬歸謝別
同鄉諸先達因錄三義請正首造賀道星次造鍾乾
所沈玄海三先生皆勉作譽語而心實不許賀辭色
尤峻最後造岳石梁先生先生閱至再謂曰兄文沉

著高古得之苦心但主司於此中用一番苦功過纔
能識否則未可知也予深感佩其語迨放榜予忽第
一諸老出此不意姜菲自此起矣部科本有意吹求而
諸老乘之此予所以無解也惟姚羅浮先生先曾見
予八義多所獎借迨科疏入先生適以巡關復命頗
為余申白當道辛丑正月馮開之先生復自家馳書
館中諸老謂順天榜首文三十年來僅見浮議始定
是年五月科臣被謫劉行素先生署司篆始覆疏謂
予學則解于思則苦當累不第天啟乙丑就海寧教
諭陞國子助教本監丞擢南刑部福建司主事劾中
府都督撫寧侯朱國弼不法事以列侯就第轉本部
雲南司郎中與刑部尚書甄淑相訐奏通政使劉之
鳳淑黨也格衆疏不上并劾之上以小臣屢訐大僚

奪職未幾淑之鳳亦罷褫歸社門著書年八十一卒
有二十一史快編皇明快編快史拾遺雪廬焚餘稿

十卷海寧縣志尚書蠡行世

經義考董其昌序尚書

士之治尚書者閩推莆田浙推檇李若黃學士葵陽
馮司成開之陳宮詹孟常皆用尚書名世其論
經生家奉之不啻天球弘璧也吾友趙無聲歲庚子
用尚書冠北闈余嘗謂書道政事即唐虞三代之史
體兼編年紀傳凡律歷兵刑河渠食貨諸典靡不畢
具故深於書者必精於史無聲向有史癖下上三千
年間日取其興亡治亂之故而衷以典謨訓誥之理
淹晰貫串直合經術治術而一之頃官留都出其講
義付之剞工讀是編者子韓字退之國子生著欒言
毋徒藉為嫁衣可也

蠟言蔗言韓子田字天來號帆青亦有文名

王軫一作王軫

本德清人後居嘉興父升字晉叔號竹南

先生元至正中以遺逸應詔授德興縣尉不赴軫中

洪武開科鄉試授平涼府崇信知縣升與管勾宇文

桂相識因其往平涼寓書於軫云自舊年十一月初

年凡四得書鎮江高郵寧陵鄭州者餘一書不知寄

何人必浮沉矣三月十二日汝兄會采至剛於德清

書中簡畧不知從者及同游俱無恙否且言歲中至

任不知果然乎本家德清之役已辦兩圖黃冊里長

及歸安甲首皆不擾而辦甲長不赴京倉此甚良法

也正擬安靖幾時十二月間本縣又定新市弓兵分

管十二都但辦什物拘捉軍人至今不得安息所費

亦不少也家中上下俱無事倘欲挈家須在彼稍安

詳度可否然後來取恐川途迢遞或遷轉不常跋涉

勞頓我今稀年又一老景侵尋倘若朝廷容侍親則

上章求歸父子相見以盡餘年若宛轉仕途則相見
無日矣人言有分俸之例不審有否如得清心潔己
亦足為榮若彼處闕支則不必也凡事須清心潔己
以廉自守食貧處儉儒者之常勿以富貴為念古人
云貧乏不能存此是好消息正當以此言為受用也
治民以仁慈為心報國以忠勤為本處己當以謙敬
學業更須勉力暇日即以性理及羣經留玩自然所
思無邪更須熟讀新律自然守法不惑飲酒當以康
節先生為範不可縱恣此後有便可買附子一會桂
二枚川椒一二斤起稅而來餘物非所覲也
得罪太祖命搜其囊得升書大喜下詔褒美特擢軫
為刑部員外郎敕曰朕起草萊削羣雄安中國務欲
之嚴奸弊疊興御史臺管勾宇文桂因事被問囊中
所藏書信百封悉係浙右儒吏與譽之言或是或非
皆欲禍人中間亦有私託求進者嗚呼後元之初得
天下人材皆務實學故賢能由公道而進後元之初失

天難下世俗皆尚虛名故賊私干權門而用朕多涉艱
賊吏貪婪如蠅蚋之趨朽腐螻蛄之慕腥羶意一若善
者豈非慈父失教於平日耶今軫之百封書中得望善
教其子者係所登科舉人王軫之父書意望善
勾宇文桂轉達平涼子之任其書未發朕復見之書
中語言諄切教以忠孝子之賢否雖未可知然薄俗
實有善於為人者如此誰能出其右哉勸善懲惡
賜有金百兩附子五枚中書遣人齎朕詔諭往詣其家
令有司除本戶雜役依舊應升奉表詣闕謝年閏三
當里長其弓兵不許再役蒙聖恩賜臣詔書并銀絹極
月日布衣臣王升言伏以聖明御極自漸無補於涓埃
藥謹上表稱謝者伏以聖明御極自漸無補於涓埃
詔命臨門忽沐分沾於雨露輝生蓬華歡動鄉閭臣
升誠惶誠恐頓首頓首欽惟皇帝陛下德厚道高功
崇業廣智勇天錫聖敬日躋任賢使能與堯舜之心
同大賞功罰罪如天地之德無私端居九重之中明

見萬里之外伏念臣性資愚陋學問迂疎分甘老於
山林名敢求於簪紱教子乏義方之訓承恩忝科甲
之榮大邑分符遠佩選掄之重安書遠寄勉加忠孝
之全俾恪守於廉勤庶少酬於知遇何冀上聞於天
闕過承下逮於星軺白金光煦於琴書黃絹春生於
筐篚芳椒助養上藥扶衰豈期枯朽之餘遽拜駢蕃
之賜征徭特免喜懼交臻臣瞻仰清光鈞陶聖化謹
奉表稱願摠報效之誠景迫桑榆欣覩太平之盛謹
謝以聞上召見賜宴及衣一襲稱為老賢人云清德
沈堯中字執甫嘉興人萬歷癸酉舉人庚辰進士知
南陵縣愛民如子凡墾荒築堰濬川陂以千百計
寧國府及南陵量移蘇州府同知擢南刑部江西司
志俱列名宦員外謫開州知州歲饑請賑增廣學田葺先賢柳下
員外謫開州知州歲饑請賑增廣學田葺先賢柳下

惠及宋忠臣楊埭墓一歲告歸閉戶著書撰述甚富
私輯郡志十年三易稿知府劉應鉉聞之造請數四
乃重加考訂閱六月而成又為嘉興志復編燕居備

覽六卷以為邑乘權輿又沈氏學致十六卷

徐乾學讀禮通

考韋人鳳曰携李沈氏曰三年之喪其來已久堯典
帝乃殂落百姓如喪考妣三載宰我有為期之問子
曰子生三年然後免於父母之懷夫三年之喪天下
之通喪也孟子對滕文公亦如之迨漢文貴詔短喪
以日易月定以三十日是知三年者三十六月也
時雖廢古禮而禮固在也及考儀禮期而小祥又期
而大祥中月而禫乃戴禮雜記有云三年之喪二十
五月而畢未審據何經典於是鄭玄以中月為閏三
主二月而七月王肅以中月為月中主二十五月而三
年之喪遂不復行是雖存古禮而禮已亡矣執甫著

學教考數甚悉予每疑三年之喪何以止二十七
月今讀此論乃是禮之代變非古禮也仍從三十
月按唐人王元感嘗創三十六月之論為張公秉之
所闢已無餘蘊沈堯中復為此說豈未覩張公秉之
其所以引書傳中語正耶必何以三年為三謂漸
兩果云期之喪二年謂耶必何以三年為三謂漸
文明云期之喪二年謂耶必何以三年為三謂漸
十五月而畢語出禮記三年問之篇又即
荀子禮論中之文凡此皆不待闢而治統紀畧籌邊七
而明時慮後人猶惑其說故辨之
畧春秋集傳經義考卷四春高士彙林沈司寇集子廷
珪鴻臚序班從子夢斗

夢斗字應宿號星吳讀書過目成誦中萬厯丙子
舉人丁丑進士初知盱眙愛民下士盱眙志以內艱

歸補常熟謫陝西按察司知事轉知醴泉移知信陽
州調無為州恤災清稅勞瘁卒官

王輔字時佐海鹽人父聰戊廣寧衛因就試山東中
天順己卯經魁成化丙戌進士授刑部主事未幾卒
卒之日語其子璞曰我死必歸骨故鄉以無忘首邱
之志如其言還葬海鹽輔為人沉毅敦朴饒有古人

之風璞族孫家棟家相

焯按陸繁庚己編金晟嘉興

廣有強盜若干人械至部晟鞫之渠首百二十五
歲面如童子晟不信移文驗之果然問其所以致壽
曰少居荆山中嘗遇一人以草灸其臍云令爾多壽
遂活至此朝廷以其老命杖殺之其事頗奇怪而柳

趙劉三志科目貢監中並無金君姓名縱其說
不誣恐係他郡邑人非嘉興也附識以俟考

家棟字維楨嘉靖甲子中本省鄉試第一萬厯甲
戌成進士官刑部主事出督山海關卒於任

家相字維樞萬厯癸卯本省舉人庚戌進士授刑
部福建司主事閩宦有縛人馬足馳而殺之者相按
之如法壬子出典貴州鄉試還卒於京師王氏先後
登第者三人俱授刑曹皆未及改官而歿人咸異而
惜之家相兄家材之子廷俊萬厯甲午本省舉人不
第知高郵州

張璵字叔美崇德人父翬鄉貢官教授璵正德癸酉
舉人是歲之首邑士俞樟者請以問邑中秋試何人
獲雋以大書曰扶以者倒中人以為樟也賀之及榜
發乃璵始嘆以語之莫測丁丑成進士授南刑部廣
東司主事在事三年乞致仕家居三十餘年劉應鈞府志稱
其所居不蔽風雨薄田僅供著南溪集于堯臣嘉靖
間鄉貢太平府教授次子武臣太常引禮舍人

王梅字時魁號柘湖平湖人嘉靖辛卯舉人壬辰進
士選庶吉士

野獲編是年選改後初進館赴閣試長
安新秋感興七律云鵲鵲樓高灝氣橫

堯莫商律已數祭六龍扶日明華袞五鳳寧雲薄太
清西北峰煙新入警東南民力未忘情青袍際遇渾
無補退食遲遲媿友生當時以爲第一年少才雋惜
早天無子祐山離說嘉靖癸巳二月余在行入王
柘湖謂余曰如此閒暇何不學詩余遂勉強一絕云
帝里鶯啼二月天此地書無語對愁眠無端抱下桃
兩猶自紛紛點暮煙柘湖曰不好余問何處不好曰
都下不好入門差矣此是晚唐格局極卑弱詩家所
下乘禪者公且勿作且看古選及盛唐人詩余如其
教數月不敢作至八月十五司正柳公倡中秋待月
一律余次韻云何人待月倚瓊筵有客悲秋憶楚天
北闕衣冠蓬海上西風鼓吹玉樓前江鄉夢斷身猶
寄淮海雲橫雁不傳兩度都城今夜尋改刑部主事
月清先千里照人圓柘湖曰近之矣
建昌侯張延齡得罪下獄前主事沈椿以其爲孝康
皇后戚屬不令入重獄及梅受事踵襲寬假世廟聞

之大怒先後主事二十四人皆下鎮撫獄擬杖謫梅

滁州判官

滁州志有傳

梅能詩有柘湖稿卒後馮汝弼守

太倉梓行焉

靜志居詩話柘湖風神韶亮得無累之神絕句小詩尤見清拔

彭輅字子殷號冲溪平湖人伯父誥江夏典史調江

寧父諫諸生輅八歲穎悟絕倫知府蕭世賢薦引入

學

比部集余八歲以儒童應邑試時廖經仲義攝

三年縣事予對曰八歲兒童豈有登科之志余應聲曰

又一日出遇輅於塗復召試對雞鳴犬吠占稠密余

曰鳳舞龍飛試太平郡守桐城蕭公世賢聞之召至

問曰童子能對亦能詩乎曰能曰試詠

童子手中筆

揮墨他年定染紅公大加嘆賞嘉靖甲午舉於鄉年

二十一丁未登進士授南昌府推官未幾改知新淦

之官兩月以坦率不為人所容改應天府教授續金

事冲溪彭公嘉靖間掌教府學進諸生語之曰朝廷

那得許多官職人人皆戴烏紗帽不如從我做詩飲

酒又謂杜工部之詩如酒肆中壬子主考山東轉南

帳簿不可學其風流議論如此

國子助教數年遷南刑部江西司主事被劾歸與同

郡戚元佐項元淇精嚴寺僧方澤景德寺僧正念四

人為詩社往來無間自為冲溪野叟生誌卒年七十

餘輅與同郡范言俱以文章知名有彭比部集二十

二卷靜志居詩話先生早慧於詩文不甚敦琢其持論取法中唐謂神在象外象在言外然率矢口

肆筆而成頗類解大紳下華伯一流昔人所以有才多之憾也子潤宏武進縣丞

郁蘭字文芳號暘川本吳江人先世贅秀水陳氏業

農父政字元佩不仕蘭以秀水籍舉嘉靖甲午鄉試

屢蹶公車少受毛詩於冢宰吳鵬時適秉銓勸之謁

選不從鵬罷歸始就銓得績溪值論逮兩浙總制胡

宗憲知府何東序欲沒其家發兵圍守蘭知宗憲貧

且有功東南力爭乃免南見只編胡襄繆以捷伐定東

水郁比部麻城耿定向以御史督學南畿行部至郡

同列者跪拜皆以首至地蘭獨不及地而止耿重之

以薦遷南刑部山西司主事除夕宴客為鑪火傷足
引疾歸焯按野獲編海忠介瑞撫江南令郡縣庭參
以腹俯仰不得頻首然屬吏畏威莫敢仰視陽川高年
以為第一強項吏入謁時起止迂緩腰領屹然海大喜
說載見只編姚叔祥生沈虎臣前曾參沈司馬繼山
幕應及見郁公且云耿為作志志中亦及此則姚君
之言為信

俞乾字一清號鵠洲平湖人嘉靖丁酉舉人甲辰進
士授刑部主事內閣夏言之死乾為監刑憤驚仆地
移時乃甦具疏乞歸抵家五月卒
王朴字德純號友蓉其先本大同衛軍卒高祖義改

封嘉興千戶所遂為秀水人朴性孝謹每日書所行事以自檢成化中以鄉貢知徐聞縣嚴絕暮夜金有檳榔稅供邑令私費請罷之立學校教民鑿渠溉田自之官至去日獄無冤囚民肖其貌祠之

廣東通志有傳

愛

兩浙名賢錄朴年五十始舉體仁因名曰愛

愛字體仁號一山嘉靖癸卯應天舉人少慕王守

仁之學負笈從王畿游年踰五十嘉靖己未始登進士補順天府學教授遷國子監丞刑部山西司主事內閣袁煒有門下客二人輒飲禁中有旨逮治愛執

法不少貸煒怒因遷葬告歸未幾京察坐與吳鵬同里署不及家居杜門不為請謁嘗語人曰學以自檢檢人則隘學以容人自容則外歸田十餘年而卒上虞徐學詩鄉試與愛同中式以劾嚴嵩削籍貧不自存愛捐貲為其子娶婦見兩浙名賢錄子汝翼萬歷中官紹興府學訓導歷績溪德清教諭次汝明代府典儀

金枝字本樾號桂峯崇德人萬歷癸酉舉人丁丑進士授東鄉知縣調繁同安以迎合巡撫勞堪致邑紳洪朝選斃獄為家屬訟寃降陳州判官量移徽州府

推官擢刑部主事癸巳京察復謫無為州同知終准
安府通判也明史槩朝選子競奏臣父於居正初無異
居正始憾及父辭朝疏有權勢主使之話而居正益
怒堪受居正之意遂肆豺狼之毒知同安縣知縣金
枝即百計羅織申報勞堪誣奏旨下巡按等
民野獲編遼廢王憲燭淫虐不道按御史陳省
劾其罪皆枉江陵初無意深求時廷遣刑部侍郎
洪朝選往勘得其殺人事諸事謬加增飾且鍛鍊不遺
餘力而遼社遂屋然主威遼慶二年張為還朝次揆其
未職以不謂張獨主威遼也是年洪還朝次揆其
已即死大計効致任洪歸閩為撫臣勞堪許其居家
故冤死乃父詔還其官生競伏闕控辨謂勞終不得
復勞既承望抵罪然洪之處遼獄人而遼國終已甚
反用忤權昭雪亦事理之未允者洪初撫山東聞章
邱李少卿先芳家富藏書因借觀不與起大獄破滅

其家李以恚恨死洪之非命或謂有天道焉順于東阿
筆塵但記洪為少司寇時逼死故都御史楊順以媚
華亭不知有章邱李中麓事也洪
與中麓同年進士以此人尤薄之